

الفصل السابع (محاولات بائسة)

كان وقت العصر صحيت من نومها هديل و لبست هدمها و نزلت الشارع بس المرة دي كانت مركزة و حست و شافت نظرات الناس و سمعت همساتهم , شفقه و ممكن شماته من بعضهم كل ده مش مهم المهم تنفذ قرارها , بعد جدال مع الممرضة المسؤولة قدرت تاخذ اجازة ثلاثة أيام بس , و بسرعة رجعت الشقة قبل الليل ما يبجي و لمت هدمها في شنطة و جريت علي محطة القطر , ركبت القطر علي كفر الدوار بلدها و كل ما كان القطر يبعد كانت بتحسن قلبها بيرتاح أكثر و أكثر و لما جه الليل غمضت عيونها و نامت , و في مكان شافته جميل بيت جميل منطقة جميلة و لكنه بيت وحيد كبير زي المسلسلات التركي اللي بتشوفها مع البنات في السكن بتاعهم و بيتنوا عريس زي مهند و بيت زي بيوتهم في المسلسلات دي و راحة و خدم و حشم مش شقا و تعب , مع إنها مكانتش بتتمني الحاجات دي زيهم و لكنها كانت حاسة إنها مبسوفة , كانت كل ما بتمشي خطوة تلاقى ورد أحمر جميل بيترمي تحت رجليها في طريق طويل كله وروود , لحد ما وصلت للبيت الكبير ده و فتحت الباب فحست بنسمات هوا جميلة علي وشها طيرت شعرها و خلتها تبتسم و شافت العجب زي اللي بتشوفة في التلفزيون نجفة كبيرة جميلة كريستال بتلمع نازله من السقف و سلم طويل مزين بالورود و الفل و الياسمين و طلعت الدور الأول و لقيت غرفة جميلة كلها أبيض في أبيض و مترينة بورود لونها بمبي و حست بفرحة حلوة لمست قلبها من سنين ملمستها بالشكل ده, و وصلت عند البلكونة ولما بصت من فوق شافت منظر بديع

بركة سباحة و طيور بتصوصو و بتطير و شجر طويل و شجر قصير إبتسمت و بعدها سمعت صوت بيقول : " ليه خايفة و بتهربي ... تعالي تعالي " إفزعت لما سمعت الصوت و لقيته نفس الصوت اللي كان بينادي عليها فقامت مفزوعة من النوم لا عارفة تصرخ و لا عارفة تبكي و لا حتي تتكلم خصوصا إن كان في قلبها إحساس ضعيف بالراحة جمب إحساسها بالفزع و الخوف و بمجرد ما وصلت بيتها إترمت في حزن و الدتها و حكّت لها كل شيء قبل حتي ما تأكل أو تغير هدومها , ضربت و الدتها علي صدرها بكف يدها من الخوف و كادت أن تصرخ و لكن تماكنت نفسها عشان خافت الناس تطلع شائعات عليها لما يتلماوا و يسألوا ليه بتصرخ , و في نفس اليوم أخذتها لشيخ موثوق فيه في منطقتهم و اللي ريحها و لو شويه...